

漁村詩集卷五

歙汪灼著

與張夢琬聯成柏梁體稿忽落江紀異

助興一江水探竒兩岸峰辭能清病眼稿未貯詩筒甫
擱推敲筆旋飄冷澹風瀧岡文借賞又到馮夷宮

過南門灘

前湍連衆軸欲放幾回停日匿水都白煙橫山不青千
家圍柳住一郭面淵渟開港爭飛櫂狂歌逐野螢

午夢歌

山、連延雲出封紫電飛掣奔赤龍柳絲風梳雨絲散

畢星敢情藏餅中候焉此境一夢過日光浮草繁雲破
伸眉嗚噓呼同儔好境結胎惟晝臥君亦何憂此境無
風滄以後攤飯初儻登異域亦夢耳人生萬事皆空虛
心煩艇促難展步江深不見流鷗鷺朝來舟發七里瀧
百轉山頭又山住

釣臺

採菱爭唱放灘來一碧秋江賸此臺天子有情新聖政
故人無意老山隈鱗吞昔餌今猶樂磯俯深淵勢不墮
多恨少年貪睡過衰回高仰又風催

出瀧臥眺

數里一村落日牆曉黑鴉秋江疑有蟹濃樹惜無花岍
遠行人小風輕飛燕斜更來夷敞境高枕欲滄霞

避潮桐廬下

無風翔白鷺舟子畏停橈境到江心闊人來眼界遙面
山東列案視斗北縣霄百尺魚龍躍爭先駕浙潮

七月四日聯七律十首

昨夜潮平曉泛漚漁村富春江水向西流青山放眼幾千

轉夢曉綠樹圍邨數十周李白有風無價買漁岑參好異

許詩酬船如天上非寒食夢鷺浴鷗翻滿目秋漁

豈是烟波老釣徒夢此行不愛四頭鱸海門將近騰雙

鯉漁鐵網能收有兩株誰道禹功遺會計夢我寬鮠罪

定江謨詞雄當使鄰舟震漁幾疊晴嵐又畫圖夢。夢

三江既入當是新安江桐江富春江入浙或三浙江入海不然會稽為禹得玉簡之所其上游豈不用力耶予

以為禹貢所不及載者皆崇伯既成之功

萬峰峻極夏雲奇漁好景全憑一柁移大地有花開菡

萏夢中天無月浸玻璃連航開後對近山漁長枕橫來坦

腹宜何必將軍聽詠史夢馬遷書畏人俗知漁

小艇橫處認晴村夢巽羽揚聲飯滿盆不遇伯倫鬆酒

債漁因逢杜老顛詩魂銀絲細膾魚原美夢玉髓添香

茗尚溫鎮日舟行無箇事漁眼穿江路碧波翻夢

半山紅日半山陰漁樵入中流廣更深粉蝶入雲知雪

鷺夢清泉涌石奏瑤琴情隨五弄高低寄漁目逐雙飛

宛轉尋飽挂征帆羨來舫夢辭巢難比欲歸禽漁

日叫孤蟬欲淡黃漁朱明苦望夜生涼海雲一點占龍

起夢江柳千絲待雨長四面舟環入籠蟹漁幾聲篙放

出林獐凌風好唱淮南曲夢依舊掀蓬各踞牀漁

看山眼比老饕饒夢心境通元貫碧虫筆掃飛埃離古

硯漁錦收佳詠滿空菡峰迴更覺江風順夢水汲應兼

海味鹹多少畫師稱顧陸漁憑將妙管寫雲颿夢

研池閑看飲癡蠅漁不怪歐公作意憎草可迎涼何處

采夢松能寒夏幾時乘峰尖雲擁愁風破漁鼻觀花香
望穀升底事順流猶縱纜夢船頭浪折白層漁

回首孤城接霽雲漁浮圖高不礙氤氳人聲已逐市塵
遠夢秋意早緣鴻鴈聞浪擁戍樓舟十里漁谿彎解舍

路三分柁工閒暇輕搖櫓夢共偃桃笙細論文漁

排山捲地海潮來夢萬弩爭開射不回得意魚龍齊奮

躍漁無情宇宙亦喧極但存忠信奚愁險夢適會風雲

莫待媒枚叔觀濤八月望漁何因此日雪成堆夢

晚照山

樹頭鴉帶夕陽升浪到青螺水始凝會得畫家烘染法

赭山皴出一層

富陽下避潮

隨潮帆挂舟上行油雲高翳霞不明政值冰夷來傲睨
孤蓬敢與狂瀾迎入港風清水亦清秋山秋樹隨人停
舟邊弄玉月盡碎天際懸峰雲欲平澄江縣渺接銀漢
千點萬點浮水晶有酒盡醉迷兩晴氣壓蛟龍未敢爭

三浙觀潮行

地中駭響聲震天如霆轟耳驚客眠東方欲白箬篷黑
不識此聲何來前意忙披葛出蓬望天水迷茫聲益壯
倏然萬疊奔銀濤潮頭爭潑船頭上橫波眠者驅青牛

駕浪走者騰華駟如雲空堆任風捲似山排立隨鞭浮
滿目霜飄雪花涌潮翻細認多銀孔江邊勢逆蹴船高
俾我兩腳時旋踵上流帆舉舟掀極左迎右卻潮中開
爭雄三避打頭東浪西分散如飛灰靈胥弭節江南北死
作濤神弄潮汐撞鐘伐鼓警頑聾歌舞筵中簫管寂江
心匹練千里長吳越今朝戰水場鼉鼉魚鱉銜枚走三
軍擾，皆騰裝又潮鬼攫銀龍去金龍光掣潮頭住祭
潮猶有金銀龍笑聽篙師徵典故火輪乍湧秋江紅半升
天際半江中鼈子門山赤雲擁看登河鯉盤螭龍此時
潮到富春香六和一塔擎天表舟子爭喧潮勢雄客心

猶恨范村小

過塘口占

橋洞陰，亦洞天一橋剛過一橋連柳絲不染西湖水
飽看西湖賣水船

石塘

炎蒸又苦急歸航兩槳聲柔到石塘人影倒桑交好鳥
風帆隨岸度斜陽少山邨得多山興溪月何如江月涼
猶喜靈波同練浦晚來空汎蠟萍香

即事

百里桑園一水灣蟬當秋急幾時閑西予久病貪山眼

誤墮崇雲認遠山

一槩頻搖臥未寧
隨窗高下樹層層
半圍竹網藏漁艇
不待魚鉤不用罾

兩岸莎蛩不住鳴
紛來舟裏答蟲聲
詎知客少存鄉念
唧唧空勞夜到明

漫興

涼月半鉤碧漁燈一帶紅
螢飛遮岸草蚊避叫秋蟲
剝鐘聲外孤邨犬吠中
寒生膚似粟暮樹盡凌風

別鄭誠齋夫子兼呈王顯曾

五載西湖別春風
座又生新詩憑品藻
舊釀細言情徹

瑟貞能養談經老更明
王君為切脈意氣似山傾

王善醫

舟中七夕

月碎波心不住流
此情應共浪悠悠
欲隨銀漢歸天上
誰擲金梭待渡頭
未到三更愁織女
政逢七夕笑牽牛
去年乞得蜘蛛巧
今夜風高兩地秋

舟停不發

溽暑逼停舫舟人家未歸
稻花香滿野草色綠添肥紫
燕橫谿舞青蜓傍客飛雲收
雨斷脚悶對殘暉

張渚

孤艇繫河港檝師為家謀
新婦適歸寧待歸心轉愁登

岸四蒼莽楓高天地秋翠阜僅一拳草蒙如臥彪從容
步屯落循墟曲通幽板橋一面闌欲過擔危憂幼艾不
解語問答聲啾、敦洽向風餐赤腳又蓬頭心驚黑龍
起童牽渡水牛羊眠鷄狗走稻芽隨風抽照得眼花綠
水折圍田疇姬公留遺制界畫十夫溝可以築吟室耕
耨此中休移舟就楓下日蔭風蕭颯銷盡三伏暑茗奴
點瓷甌願作撇波鷹晨夕毋沈浮

新湖

獨闌烟霞景周迴六里雄樹青浪下山墮白雲中透萬
風穿重衝波日浴融心同明鏡遠五色盡空、

秋夜

天外雲閑身外舟中流鼓櫂若鳥遊納涼最是湖心好
風月蕭、蘆葦秋

虎邱

佳人如玉恣偷香銷盡烟花一水長澹泊到今崇隱士
繁華終古嘆吳王枉傳按劍池流碧不洵風生虎踞狂
賸有孤墳芳草綠新詩喜詠舊貞娘

細雨

風起青蘋漾柳枝心涼莫恠雨來遲散絲似度金鍼線
點著秋江水不知

望亭

老弱環門坐，誼言進晚餐。
霞紅谿半染，樹綠地多寬。
沈飲腸中熱，離情天際寒。
光殘隨藻景，新月又翻瀾。

曉起

白雲烟渺隱朝暎，雙櫓聲柔靜。
耳根心境也同流，水碧空涵萬影卻無痕。

丁堰

江水入河濁，田園灌溉空。
家小兒女多善腳，搖絲

常州懷黃仲則聞其死弔之

情共秋雲碧，樹深蘭陵舟過忽晴陰。
知君已作一行吏

晒我猶存三益心，半隱閣中黃鵠志。
九龍山上旅魂吟，琴臺畔水依然綠。
不見弦徽仰聽音

日落

遠噪栖巢鳥，低爭入網魚。
紅殘一林日光暎，半窗書川后無風靜。
人心見道虛，老農歌野調翻動水輪車

舟掉頭

段霞連岸半谿紅，似礙前溪路不通。
舟忽掉頭風送順，亭身欲墮雲中

泊京口

北顧樓環萬井盈，連檣燈火暮雲平。
金焦水冷流江月

星斗風高宿潤城秋到鶴林花未發書藏玉蕊几空橫
許渾丁卯橋頭宅猶聽魂歸夜嘯聲

京口入江

城過鐵甕水天浮百尺帆竿不見舟炫目孤巖依表剝
迷人初日浸危樓樹穿雲際攢金色浪到江心涌白頭
可喜披襟占五兩長風十里一時游

新河雜詠

風激雲行去不還心忙於爾恰相關鷄聲未聽傳茅舍
白鷺一雙飛自閒

水中深樹昔年栽半岸棺題半草萊遠望層峰天削就

難分山色入船來

歡呼小女戲輕鳥不樂村居樂水居矮屋連波齊織網

紛、溪上打江魚

龍潭山勢碍行舟一轉豁灣復上流江插綠楊身半隱
迎風飛動接蘆洲

故、分關據石磯去來舟楫敢爭飛書生亦似王恭樣
空有詩囊襍敝衣

遊攝山棲霞寺

竒文藉游山逢山託深意昔年慕攝山舟未經厥地緯
道開新河一日乘風至異境雲不封遷迤山障蔽散步

依峯廻忽露棲霞寺竹圍半湖光人行明鏡外入門架
長橋晴虹眼中寄滾水灞空名無源起寒瀨複道上飛
除環窳樹蔥翠平石點波心為梁一亭濟交疏放曉出
山腰勢危墜野黑僕催歸登舟月清麗惜不照遊人飽
決山中皆夜半雨東來疑是天心忌黎明激鮮飈烟橫
霧陰翳風雨上棲霞般若臺延企道過白雲祠待謁驚
危吠性已癖烟霞一笑功名計先生姓張號白雲山人曲折復通
幽駭若崇雲閉岨石突奔前鋒攢刀戟勢無水浪千重
湧川狀汪濊雨滴級分流光擬瓊瑤碎壘浪何處翻狂
濤奮鱗來作崇萬松山房身復到幽居恐為松樹瘞古洞石

高懸一竇通天氣據言夏禹碑此間昔人置石穿逕忽
迷側身危躄際朗々幽闌開泉石競鳴籟滿眼盡雲堆
西東各安位阿誰持斤斧片々分裁製不是夏峰奇却
比秋羅靄一面臨曲池下瞰飛旌旆雲離左復右行磴
折無雲礙登高竹翠環功德泉在背鑿石嶺巖顛胡然
千佛致千佛嶺下嶺窺紫峰朱闌閣幽邃矯首功德泉如
天上期會樹綠傍岩栖草青倚根被石澗聆飛淙當在
夏春季連讀嵌岨詩好句推前輩有祝世祿白雲山人詩僧紹稱
明經終遁此潛閱齊帝空有心難得公隨侍恨未瞻公
像使我心莫慰風來排玉戶森々鳴柏檜仰觀雲油々

籠山空靄翳怪石蹲鼉龍鱗翼頗驕肆忽後瞻在前俄
刺煙迷睥樓臺亭榭無所遊如夢寐二十四禪房髣髴
誦千偈研墨興操觚為寫名山誌

過元武湖望雞鳴山

上街入明鏡山色欲盈湖不聽雞鳴候空留塔影孤荷
擎將暮露葉滾向風珠萬柄迎香去應疑太液無

題魯星村遊黃山詩

黃山峯々皆是蓬萊島今昔游人探竒寶天亦許我骨
相竒不到黃山々靈為此增煩惱秋來秣陵得讀隨園
黃山詩又讀盛唐黃山草從來好景吟不盡都為二君

細幽討恍似雲波眼底生藻思托出林好泉豈意家山客
舍游高歌撫卷烟塵埽

姑蘇買舟

桂落秋風後登舟意亦豪眼寬非樹小船近覺山高歷
世真如夢開懷且買醪歸來何所事提挈課兒曹

四安旅邸不寐

小溪酣酒睡初濃嚙語驚人夢未終澹月穿樵窺洞鼠
疎風拂枕叫秋蛩此身慣嬾難為客我輩無才許學農
野店鷄聲啼不住又敲山寺五更鐘

鄭素亭畫

今古溪光似樓臺倒浸中烟雲愁變境山木快乘風鳥
度影隨落心虛道自充茫々天水闊惟有一舟通

畫冊

松含五夜風日淨一江水板屋瞰泉流帆飛白雲裏何
日得誅茅坐頷其中旨畫師老鄭虔繪事聊娛爾

寒食栽梅

移梅高傍曲闌干摘得新芽當粥餐處々吹煙誰用禁
家々熟食不須寒柳含綠意風初拂菜到黃時日欲殘
最好月明百五夜延枚同興酒為歡

遣興

敢許春秋癖孽々味獨嘗偶吟詩自適不借酒為狂兩
重花無力風柔麥正長春歸有餘韻蜂蝶染來香

小拙山人風竹

風來葉底細為聲到耳蕭々韻自清感得筠情欣所託
空齋搖曳誤啼鶯

又三月雨

日昨伊鬱風不生今朝箕畢交旬旬脩篁低斜狂客醉
柔條半倒跋者驚浦擲荷錢亂波影寒柯葉小能為聲
網蟲懸織花叢裏縱橫往々羅蚊蟲我笑此身亦蠛蠓
未投羅网身便輕臨窗寒逼流芳歇衣未裝繇飲巨觥

何時攀鴻翔四海俯覽萬境心一清

春寒

值此春寒欲暮天觀書愛向榻中眠填河銜木傷精衛
望月懸身泣杜鵑老樹少花根已蠹新枝潑綠色猶妍
山榛集翠鷓鴣擇較勝生人寄一廬

秋南居士畫贈不疎園圖

坐破藜牀二十年蟬蛻晨露夕和煙祇愁姓字爭傳俗
盆洵銀黃定自天幾笏藏身肱可枕半生遺澤研為田
飛來多少無名鳥似向枝頭弄管弦

春鋤逕草待朋來千葉芙蓉次第開詩以緣情忻得友
腹常吞紙恨無才遙瞻亭聳初生月倒浸池平欲放梅
深謝吳郎圖寸楮四時風景一園該

多病

多病檢書史終朝昏夢中心靈期覩與神倦苦無功依
徑竹行立周堂雲暗通扶鳩一縱目猶自怯東風

王司徒導

裊起同宗笑計疎不才仲父錫名虛忠魂已散空言負
賊勢將殘借力除誼愧王彬尸向哭罪同趙盾弑應書
當年國事清談免誤得門誅樂有餘

養身篇

養身貴勤勞一勞卻驕惰高閨避冬陰擁姬猶醉臥夏
浮沈瓜李紈扇愁雲破既不耐寒暑百疾乘身慙不見
老農圃終歲霜日過剛健多者年筋骨誰磨挫
養身貴堅忍一忍平萬心富貴色易驕貧賤勢易侵猝
然一朝遇宏量包藪岑譬彼晨風狂暮雨復恣淫旁觀
恐差跌樹大結根深

養身貴飲酒埋照祛百憂白也爛醉吟長史筆陣適有
時發長嘯神鬼不敢留有時暫偃息夢可乘雲遊量漸
小溝壑那得藏大舟多飲不若少血脈身通流

養身貴讀書言比良藥氣傲療以和性貪投以約器
識士先敦文藝非徒作賞奇以析疑以要亦云樂殘軀
病百攻藉以強精魄

日暮懷夢晚少海

藍輿歸去竟如何詢識村翁著病魔眺晚田中蛙鼓震
挑燈梁上燕聲多講堂蕉掩臨池月曲檻荷擎傍葉螺
寥寂園林風弄竹懷人無語託新歌

養身篇就寫披陳沈飲貪牀好欠伸敷衽祇餘羣弟子
分箋偏少兩詩人夢逢陶謝魂應顫興倍山劉氣更親

獨坐莓苔螢火照遙聽夜讀味都真

時少海
病酒

生母程夫人六十生忌辰

我生三十七無計答劬勞四歲即離祿六旬空獻桃風
朝愁日澹晴午聽烏號孫子酒輪真相看淚落袍
今古孝思永如予背母恩掌難然骨熱衣不絕縣溫怨
草迷山徑孤雲掩墓門有兒徒頓膝念及亦驚魂

自勗

傍籬蕉葉自飛揚祇恐秋風暗折傷竹柏豈因花減色
谿山都借月生光胸羅史事才應小日究經言志敢狂
可恠輕肥耀閭里晒人冷拙寄雲莊

月

雨霽雲無所溪光逐月行清宵詩意足一見一闌情

讀韓文書後

司馬文章法初始前闡六經開百氏天將大任降昌黎
椽筆雄辭相繼起千古能文宗兩人其餘醇疵未專美
一遭貶逐遠殿廷一為宮刑毀肌體窮愁百煉吐精光
立言直與功德比薔薇浣手始高歌夢赴韓門列張李
作家師意不師詞先生之言猶在耳皎如二紀縣清霄
氣撼三邱吞海水文章光燄萬丈長先生斯言自道矣
或師國策或太元道宗論語與孟子既排選體類俳優
又斥曇瞿等臧婢開卷甫讀原道篇聖賢旨約光滿紙
天心未肯喪斯文權界漢唐昭後軌

即目

宜人新雨後，秧插綠田疇。風激能揚腐，雲低欲壓樓。爭巢來野鵲，帶犢喘眠牛。沓嶂一窮目，悠然得早秋。

雜詩

灼灼園中花，當春競敷豔。陰池上竹，夏俯清漣激。主人日見之，花竹亦愁厭。顏色豈不佳，多緣眼中欠。有客步園林，滿眼紛藻蒨。物貴固以希，少見方縈念。

讀金詩

金源作者競，西崑技極雕。蟲道未尊且，喜調高雲可。遇卻嫌骨弱，玉多痕風騷。野史孤亭占，事業中州一集存。

我欲辨香歌好句，遺山夢裏認詩魂。

晚涼

扇物得秋涼，園空引興長。小窗荷映綠，落日鳥啼黃。地僻思盤谷，心閑樂醉鄉。夕烟穿破瓦，風散入叢篁。

孤松行

山上孤松曲，詎不中繩墨。大匠莫顧之，長埋荆棘欺泥蟠。困潛龍，晴宇生悲風。濤聲激萬竅，多助哀猿嘯。箕斗忽埋光，濤翻聲更狂。匪曰怨大匠，若為卷曲傷。寐感予情無風不敢鳴。

觀大水放歌

列缺走金蛇吐火入窓隙排戶盡宵風淫霖向東擊蕉
荷不聞浙瀝聲但聞檐端直瀉長河鳴此時燈殘漏過
半欲眠不眠心膽驚天怒猶未已蛟螭空際起達旦翻
盆雲四垂溪連溝洫奔流水、將來老婦悲水竟來小
兒嬉谿西里巷石層級狂瀾滾、如登梯辰初為報一
階没亭午没盡環柴扉頑童躍波好事喜豈畏踵膝黏
汙泥瞻望雨絲細又轉為破涕空困雖無擔石儲編蓬
亦免泥汙滯獨有老農老圃相對增悲號禾未盈尺波
丈高園蔬穢清根潰爛飯無脫粟何以謀終朝山妻乳
孩抱默倚危樓禱貧者苦腹飢富者亦形槁東鄰莫到

西家借稻梁金玉羅紉眼空飽暮春斗米三百二十錢
居民嗷、亦可憐歛州山多崎嶇不易種况兼橫湍險
絕名百千去秋收穫稍豐足聊濟微人一餐粥今年幸
值麩麥多不糴貴米待新禾新禾難久待年麥非淵海
億萬蒼生恆產無縱食嗟來亦同餒向來民命縣江西
江西舊歲穀似稊三浙禁商毋採買米船罕見來蘭谿
歛之地不可居人、欲飽貪侏儒他州異縣一月米不
至賢愚貴賤咸捐軀家近河不可住化為魚鼈隨鷗鷺
若教之鬼滿新安屈子之魂紛競渡吁嗟老死慙鄉民
感慨古今生悸怖長歌一曲天地風止雨霽利眼開門

前洪波看銷滅漁梁爭喜米船來

愁霖歎

巢窠悼水鶴惜米如惜珠兒啼捧飢腹索餌還入廚入
廚呼阿母阿母怒生心生兒累爾父涕落如愁霖

王石谷擬柯九思新篁醜石陸天游喬木遠山圖
畫法兩人筆神傳四物工節堅心澹泊苔蘚穴玲瓏喬
木晚春綠遠山初照紅探竒入尺幅生氣洽蒼穹

萱花

一枝催落一枝開十二萱莖傍曲隈每向西風入墮淚
忘憂常恐帶憂來

詠懷六首

上牀不能寐下牀別銀缸明鏡照我顏鬢髮半蒼，未
為青紫客徒守父母邦螢飛嗟腐草誰識佩蘭江

春樹敷丹榮幡纒風雨妬松柏倚山峯不為霜雪懼豔
質招人歡雄姿有誰顧恐未立脩名長愁歌屈賦

挾刺學禰衡虛聲令人憚詎知縈祿心卑屈私大官植
木先培根，深茂枝幹珠沈失光輝玉碎難娛玩

汲古豈無綆經畬豈無鋤聰明不好學好學多柔愚大
道莫能容一貫傳參乎聞一以知二將然而非與

漢儒事訓詁爬疏經義明制度與名物後相聚訟庭宋

有子朱子析理擷菁英世斥朱崇鄭徒誇記誦名
多文以為富榮名不常保江山助文章風月清懷把握
管窺蕪音噪吻咸稱好取舍持寸心吁嗟人易老

家潛菴叔五十壽

白鬕吟欲斷半畝園守遺風竹色依嵯綠茶花照水紅
孝哉鄉論一清矣昔賢同敬祝知非歲天香落酒中

江海門之豫州索紙作指書

秋深留得菊華黃相約持螯勸傲裝月到宵分池水碧風
來桐韻酒卮香當年作賦稱王勃此際連吟許謝莊遙
取千峰歸指上白雲紅樹盡生光

登高

有山皆著綠無樹不飛紅隨意席秋草忘機對牧童杯
傾千日酒帽落一天風飛鷺共霞去吟成返釣蓬

風打門

夜靜知無客風生急打門耳煩童又睡燭暗月初昏味
盡書中得茶從被裏溫憐予瘡累足百日手時捫

次答鮑鸞書用題不踈園圖元韻贈句

生過四十無聞日塵世紛紛淡似烟倘可逃名終豹霧
亦堪行樂踞壺天山川飽貯多文腹詩禮真遺附郭田
他日問津黃海去金聲擲地荅鳴弦

芒屨扶老不踈來鄭丈用牧雲鎖柴門待客開
皖水篤鍾吞

鳳手王濱麓雙橋同訪著經才丁小情深信宿非關酒骨

耐風霜許占梅君家有梅莊論遍漢唐兼宋法惟君衣鉢尚

能該君之尊府工詩古文

退餘居士秋懷訓子詩卷

蕭辰物化悲園林梧葉半脫霜早侵桑樞兀坐究經史
埽徑煮茗聽足音飽子入局訪幽客懷中出卷涕似霖
謂昔趨庭凜嚴訓子五詩存規箴十首秋懷一生畢
持躬歷世昭素心余時伸卷再三誦支頤注目為沈吟
雄心大力追漢魏俛視唐宋獨步今吟魂每向風月泣

太息詩教多銷沈家自為師擅風雅銅錫錯襟南方金
或假王孟卑杜李爭誇逸調聲不淫豈知韓蘇才益學
黃鍾大力兼鳴琴更有學陶稱淡遠咀英嚼雪多塵襟
元亮性真詩所獨雲封異境誰能尋坡公和章亦瘤贅
何如勿作甘龔嗜先生孤憤鬱不發非故唾罵逃纓簪
萬卷填胸年七十知明道篤言幽深生遲未見先生面
沒後乃見先生忱師古能成一家語鍾張莫用常摹臨
始知歛邑有宗匠百世之柄先生任相看一句一悲惋
若華雲掩天庭陰

漁村詩集卷六

半畝主人采芝圖

歛汪灼著

天皇大仁慈石菌蒸朽枿玉向北海濱紫採文山穴或
登句曲巔復上覆盆折好處挂珊瑚恍若慶雲結可以
療腹飢可以黑齒髮肩鋤貯滿籃不事烟火熱松風吹
枝舉首圓靈竅鼻觀異香來此境惟君絕

少海松風聽泉圖

山欲其高泉欲其清好風無價叩物即鳴祛煩濯垢松
聲水聲樂只君子倚石而聽水可謀耳亦可鑒形謫仙

詩懷元常筆耕南窗寄傲聊以適情

張夢碗杯渡圖

我欲渡江無舟之我欲渡河無方之披圖看君波上浮
杯去蛟龍據奮隨鱗鱗僉曰君有慈父六十餘歲坐堂
上眼見光寵雄一時安忍逃儒崇瑞像歎逝如斯無還
期詎知以心印心空色相萬慮刪卻靡偏私闍黎一杯
不足羨恐與世俗為遷移風濤迴復壯萬里洗愁滌憤
此其宜敢向金沙脫塵屣何妨東林結社百廿三人同
賦詩君兮君兮千鈞之擔胡魏、勿舍爾業心皈依瞻
望父兮深相思

六安亭月

亭躡雲端寄此身風敲碎影半山筠熱中多為寒光避
雪月偏宜照冷人

鮑氏梅莊

苦霧迷晴日淡黃紛飛蛺蝶少尋芳行來靈圃君家占
屋角梅枝半掩莊

未欲金張識姓名循陔堂上酒頻傾風摧梧葉荒三徑
不是高人送迎

髮落

髮落老將至長愁歲月虛故山空自守舊學與時疎溪

淺魚難躍泥乾菜不鋤
懽然冬夜煖燈右且觀書

程芥舟贈句

戴月訪蓬室風儀亦可觀
含毫隨手肯得趣稱心難寸
楮丹青勢全神雲水寬
登臨司馬腹儼入畫圖看
晉語時傾耳陶、聚一堂行籌心獨巧
誇目志猶強興
歷湖山盡才因筆墨藏
長康難再世君許擅名場

金柘田先生五十壽

黃海鍾奇仁者壽青如松柏隆
冬茂桂林產歛第一枝
裴鄭辭華擅天富鳳池三十判
五花四十紅箋名姓誇
五十下帷金受礪穿經串史成
儒家隻眼猶能核三禮

寧讓康成漢專美禮箋幾卷破
千疑著論前賢許知己
憂道不憂囊橐空立言立德兼
立功敬頌先生三不朽
玉塵獻瑞南山翁

除夕

兄弟酒迎送酣歌意不羣
窮愁周戚黨多寡較詩文燭
篆花如字爐紅焰似雲
猶然年月日新舊一宵分

別韻軒晚梅

最好山光趁落霞
晚晴烘出一園花
低窺迎面枝、笑
高立隨風樹、斜
閑到無人香更足
澹從有酒味應加
半鉤新月邀梅友
不待羅浮夢作家

再疊魯星村見贈原韻

兩歲足音絕山居綠滿村春殘花少豔室遠酒空尊昔
恨巾尋夢今懽客到園別情難具述握手快詩論

傲骨非予獨如君是兩村冷官同有志待執皖江尊未

敢操鵬賦猶然老兔園文章經國業壺奧向誰論原詩有傲

骨有漁村之句

春寒

雲漠春寒欲雨天小園常閉草芊芊桐枝鳥誤翻風蝶
荷葉魚吞疊水錢眼賸桃紅半窗落石搖蕉綠七星穿
終朝開卷逢師友似悟三墳大道元

寄輓鄭誠齋夫子

朔風鎮夜梁木一朝壞慚予遠違側夢亂空懸挂嘉禾
雙鯉來泣誦生咄怪八月十日午齋頭辨詩派為作薦
人書未終心不快偶偃息在牀靜寐離塵界始知聞道
人無疾心神憊

憶昔負笈游紫陽兩度春德義感寓言滿座如飲醇十
年凜風訓多士咸陶甄歸主崇文席追陪弟作賓從泛
鴛湖櫂張堰聚忽分空藉尺紙書時達函文聞文章露
其精世事勞其神七十一云壽緒言蘊莫申

衡文無美莊蓬茨斗儲空一介不苟得潔身老猶童知

道不遠人子臣弟友功辭章見經綸立言一何雄形止
固糟粕精氣千秋隆常嗤貴者富浮雲寧有蹤師言雖
醒俗杖履將從誰北斗先沈、韓門憑夢通

魯星村偕鏡月和尚晚宿智燈僧房以札見招

訪友到堅林揮毫雲欲生溪流三里碧山露一朝晴王
繁登樓嘯支謙見道誠豈為崇象教借以厚交情

立夏日黃魯峰方岫雲見過

午夜風勢適園寬覺衣薄清瘦寒不勝疾亦乘風作扁
鵲俞跗來輔養相調酌張筵畫兼詞一請聲連諾黃山
黃作師古調方存格詞畫以失真二公傳三脈忽如雲

歸岫瓶罄愧佳客山妻勸食梅為夏壯顏色越潔精不
強吁嗟同百藥

金銀花

矮籬籐繞白魚黃指數花鬢六、長祇有一莖黏綠蒂
心空包得許多香

金伯王書明雅宜山人五憶歌石刻

并序

伯王明嘉靖人吳中金元賓妻以夫姓為姓王
氏為名伯字貫中知為王家長女方君岫雲持
示因書卷後

楷法推王寵遺詩玉腕臨氣醇猶中酒韻勝似鳴琴千

載晉唐意一朝閨閣尋雅室真不死難得女知音
土山中構六室亭環梅十一樹亭北隙地一株四
種不生法柳州種樹郭橐駝傳順木之天以致
其性語當無不生者

本舒土故且培平密築操屢遂性真夏熱得沾新雨露
歲寒當發舊精神幾竿竹影為生媚眾樹梅魂共助春
月夜江城莫吹笛聲、恐落一天塵

黃魯峰畫扇持贈走筆答謝

魯峰墨妙原一峯又擅黃山三十^有六峯峰、巘翠填心
胸偶然邦溝寄涼友開生法古奪化工重巖壘嶂屹立
雲霄中上蔭擾龍蒲團迎送之青松生不見黃山猶如
旨兩瞳幸賜便面招清風此身疑與靈境通千奇萬幻
雲不封恍惚大癡翁再世來相從因之狂呼長嘆山精
畫聖未覩令人雄

四恨歌

穿岩搖曳新篁綠隔籬掩映安榴紅繡球圓白不改色
一丈花開明兩瞳忽而春歸忽首夏不才敢索連城價
噫嘻一恨兮時平時不再來寸陰分陰可惜哉

春生草木如秋凋夏斷雨脚田無苗池河不網亦不釣
以手捕魚胡色驕農圃嘿禱一犁足雨絲欲散風來逐

噫嘻二恨兮陸地舟無翼力四時倒錯長太息
倉箱不盈一石穀生齒日繁誰撫育民家幸有十萬錢
官私巧算相鉤連巨富漸貧、益溢昔猶倒懸今斷啗
噫嘻三恨兮坐不安臥不穩豺狼亦懼人心狠
擊柝防盜何其愚今也吏役皆穿窬州邑奉錢餌制撫
貪者榮遷廉者憮民多畏吏不畏官爪牙搏食心膽寒
噫嘻四恨兮誰引手全善人視交征利空怨嗔

魯星村菱湖泛月圖

菱湖秋風清薄言采紅菱非為采紅菱水流月作聲盈
盈一湖水可以濯纓湖天兩明月可以鑿爾形家占盛

唐山詩擅盛唐名水月獲真趣乘鳥怡性情掌徒三至
歛氣類映雙情斗酒為君藏同酌山中僧鳥聊雲浣腹
白嶽芝延齡思風發胃臆狂嘯波亦興胡然熱於友遇
世如堅冰菱湖待君歸泛月息浮生

開化寺答盛唐翁適與朱竹樓同客歸途占贈

邠詩迎暑節空真舞商羊傾蓋新交締搜碑啟麓忙客
期三日宿燈汎一園香未踐金陵約忻逢是故鄉

朱善書出
所臨晉唐遺法石刻大成
門大成殿六扁字見示

朱竹樓書不踈園三額字詩以潤筆兼呈魯星邨

鏡月上人

塗林添紅松潑綠三字精光燭花木顏筋柳骨蘇米神
通會四家關生局字走名場古法無未符我意寧索書
君向出摹元秘帖一字一金五百餘勤思樓頭光又吐
星村墨妙齊歐楮先嚴作記藏遺編警我荒嬉法韓愈
君到皖江訪魯公算春來踏天都峰不畏星侵異良觀
脂車回伴盛唐翁九齡大書浣花叟先生八歲心應手
畫肚功成五十年唐宋肯降元明友許知心賞招提客
指示波折分黑白三釁銷除勝解禪直與東林百二敵
酒長宵短奈愁何闕隣孤德離情多何當攜我司空筆
閑聚中條寫九歌

新篁

新篁冉冉俯塘頭中有幽人境更幽四月花殘竹添色
三冬雪傲松作儔心空不許塵來染節勁還嗤蜨暗投
坐看雲披天半綠嬋娟遮斷欲危樓

六月旱鄭公下車命起雲壇土龍率同官草笠芒
屨步黃山龍拜禱潭越日大雨

太守能蠲體宵分得雨多穎枯宜種粟溝湧漸通河廉
吏公私望誠心天地和厖沱檐轉急里巷布新歌

立秋日

秋聲多在雨聲中風送樓頭幾葉桐心事每緣飛鴈引

精神都為溼雲蒙米顛放筆堪圖景楚客遺騷獨寫衷
恍入洞庭波激濫口噙眼飽意何窮

途中偶成

既雨涼生體松疎入目青野花香暗遞荒徑客常經稻
刈聲何急車拋勢未停羣峰插天表半為白雲扃

寒食前一日雪

非時風雪莫春天萬物衝寒亦偶然斗米於今錢四百
飢魂無主路三千典衣氣冷聊充腹沽酒囊空未買醪
多少烹茶擁歌妓羊羔錦帳祝豐年

桃紅千葉雪凌開羞向窗前露粉顯此際裝成銀世界
何時銷盡玉樓臺麥頭間綠風無浪菜色遮黃犍不來
歲早忽呈盈尺瑞且臨快帖暫抒哀

清明觀雪

冷竈無烟一百六漫、瓊屑迷山谷誰司粒米療猿飢
未化紙錢聽鬼哭杏片沾衣透頰紅柳條插戶依人綠
可憐時節雪消聲碩果僅存菜不熟

春日密菴方丈見訪為書勤思樓額

知我不辭遠拖藜趁惠風郭巾新染翠謝屐舊黏紅志
託煙霞外功深詩畫中勤思樓在日三字一時雄
泣讀先人記茲樓久得名豈義難世出蘇米讓君成有

酒書因疾無棋興不生宵分猶默，月上起歌聲

葉邨道中

病眼貪春倦晴嵐草色融谿奔聲不斷峯轉路繞通樹
繞堤長綠花明山映紅急湍頭下釣真趣許漁翁

同張夢琬答朱韶鳴江潭亦軒冒雨歸夢琬詩題

其冊余臨漢晉碑數番復次張韻

好雨詩偏驟天風筆捲來兩賢舊相識新論覺懷開杜

老窮工詠江郎愧盡才六經尋壺奧文許漢唐裁

朱以古文

辭質余因有是句

六月十二日觀水

乍興乍偃驚不眠盆翻檐溜勢彌天施鞭潛底夜過半
但聞空飛雨點疏寮穿東方欲明益豐注小溪敲戶水
信傳洪波奮振沒兩膝下衢曲巷四望通長川田家種
禾寸髮半隨逝者劇堪憐今夏麥登未足以拯去秋
旱斯時斗米四百三十錢哀鳴絕粒皆飢鳶密雨昏晨
旬五日幸無水患捐煩煎詎意號屏一宵怒魚鼈蒲伏
爭連延昨朝出門觀河勢晴空鼓怒搖坤乾天都發源
山雷積矧夫盈，四澤橫陌阡執觚為我同人語之故
夏水秋書大有年

擬遊松明山近村勝地雨不果書贈朱勳門

出門風雨又蕭，同抱游情興未消。雲冒山顛向空合，
草沈水底逐波搖。醉顏紅似秋天樹，筆陣雄如學士潮。
話到別離君亦恨，方舟再擬快連宵。
朱善飲
工古文

宿荆花書屋吳廷選鼎書靜川兄弟索書聯為書此

地有花兄弟樂他二語山之石友朋心足而成詩

新知不棄二毛侵，虹帶臨風意獨深。此地有花兄弟樂，

他山之石友朋心。魯宮芹為青衿采，鄭室經留白首吟。

待得頡頏隨鳳去，雲闕高唱共披襟。
廷選方入浙學歸
吳秋南治經於此

送胡千峯赴皖

撒拉番功立，秋來作虎臣。貌貅知雅樂，賓客盡儒巾。黃

海雲遙送鳥，聊月暫親雙。旌開皖上，寄語慰詩人。
魯星
村王

濱麓
諸人

書臨十七帖冊後

拓殘猶喜味神全，動腕羲之鬼在前。誰解陣圖三折筆，

空知一字一金錢。

十月十三夜月

水光能助月光白，山色多因月色新。林下美人濃抹少，

隔園紅樹露桃脣。

雪晴訪友次日復作三尺雪口號以鳴盛

霽色溢乾坤，維綃至戴門。空翻銀海浪，平積玉苔痕。紀

瑞三朝雪成歡五石樽妖氛如觸縞高臥亦
皇恩

白牡丹花開竝蒂酒餞少海遊姑蘇

一枝二萼石臺開白玉盤成雙壁來恨解劉郎天作合
情投漢女月為媒自然富貴同心素埽卻風煙兩意該
綠葉重、護根蒂相思千里了無猜

新嶺

參落衆星隱山盤六月寒回旋雲踏破俯仰境為寬開
種耗靈氣振飢嗟素餐獲輿一鳥度山脚看飛湍

登青涼山

拾級最高頂天空露翠微亭江流一目盡城繞萬家依
終古青如昨當炎涼透衣愧同蒙鄙客急趁夕陽歸

自秦淮之廣陵舟中遣興

無情風雨掃蘆洲且挂輕帆任意游香遍秣陵多少桂
獨貪明月過揚州

一抹秋光拖遠烟結愁端寄白雲邊近山樹小青如髮
愧我蒼、四十年

聳壁危磯出石門江天寥闊氣兼通一生心事半生誤
幸脫樊籠老故村

畫角更傳夢政初眠雞聲旦助悲吁推窗冷撲蕭、雨

買得邨舫酒一壺

侯波合戰雪成堆底事驚駘走怒雷暑退更消幽客憤
好圖秋色入船來

不才多為世煎磨嗜異酸醎奈性何欲寫離情感鸚鵡

平山笙管聽君歌

弟少海時
客揚州

江心燕

最喜江心燕迴風送落暉有情銷客悶無力傍船飛對
舞原非地銜泥空所依山林有高士招爾到柴扉

綠萼梅

此心本素別含香久耐幽閑便異常絕喜天寒衝白雪
不驕春豔鬪紅妝山中直伴人高臥竹外潛疑鶴暗藏
兼得六宜亭畔月五分花色十分光

風中梅

別韻軒前幾樹斜日嘗梅味手頻又醉來作態更增媚
蜂欲偷香難著花搖漾林中飛晚雪晴空眼底落朝霞
美人舞袖渾無力觸動銀鉤春意奢

雪裏梅花

流芳未歇春二月兩值苔梅開犯雪乍觀粉面點宮脂
又露酥胸透冰骨玉花難得玉枝相想脫情塵色瑩潔
長吟七字酒一卮撮雪和梅耐咀齧祇愁病目怯寒光

鼻觀冷香悽欲絕

輓鄭烈婦

雙遊未經月河曲各漂離
渭水魂歸日湖田夢斷時
兒
止羞有婦婦死勝無兒
泣共小郎訣為憐姑舅飢

不羨松筠節能增里閨先
防身喉截耳決脰免煎腸一

烈名千載九原淚兩行
脩文余老友相見喜應狂

方仰
松烈
婦從
叔父

雪日集賞不踈園

好雪在知時先春即呈瑞
兒童捉天花如捉柳絮態積
素亂匊手操帚紛掃地承
筐上瑤階呼耶聲賣瓊英

襍異果人鳥狀奇恠開
逕延鄒枚共作煖寒會度
曲雪云飛音出豔歌外伸
紙法墨王時晴書一快宇
宙大文章山林好圖畫繪
事後於素妙極南北派仰
觀檐牙雀對哢如清話玉
樹恍臨風萬枝爭下拜銀
臺聘王母冰泉一壺挂陶
愧黨家姬羔羊麓俗戒虛
室生白光各勵清貧介

月池禮門廳奠鄭烈婦

昨書快雪今快晴崇巒垂
繒到眼明只緣烈氣塞天
地風卷繁雲豈無意有客
天涯化鶴來禮門奠醑更
徘徊世上幾人不惜死化為
異物塵埃耳或重泰山或
鴻毛

不生較勝生者豪獨不見卉腓木壞慘無色惟有長松
落、高蔭月池側

誕日煮茗觀荷

夜插芳苓半畝塘侵晨招友納清涼六郎未減天然色
千佛應登自在場蕩槳湖邊愁不語弄花橋上快聞香
茶開蠲眼波添綠出水神人祝壽臧

推窗晚興

凍雨初收趁晚風遠山腰帶夕陽紅雲峰竒幻忘歸岫
橫入窻來一幅工

少海困病久藥不驗詩禱於神

夏行金素多病魔矧我病多愁轉多閱今百有六旬日
輾轉不寐奈愁何少海綿留春復夏上藥中藥氣難化
或從腎母探其源或因肺絡療沈痼或云色勃怒在肝
歸芍柴胡良弗誤養心調胃兼治脾疾不獲愈、亦乍
客淮病足在去秋冬末歸來春未瘳淮揚累溼十八九
歙州環山應莫憂豈知春正月望上入右脇肋痠痛一
線曲折連肩^背溫主薑桂甚硫黃三七瓦楞消血塊涼者
岑連下大黃繼進參苓甚矣憊痰紅其本溼其標凸若
覆杯見諸外人生不過氣血相滋培胡為脇際喉間結
不開百藥百投苦疾棘使我向隅掩淚莫解所由來形

如枯柴不忍見為之泣禱祖宗神鬼以禳災異其見憐
不遽斷我左右手減我數年增彼壽古皆有死悲者愚
如少海分時猶未能釋重負

苦雨

苦雨連宵晝寒生三伏天濕雲風未卷焦慮病來牽種
德應無忤耕書即是田跳珠荷不淨莫向北窗眠

咏梅

二月遲開月正圓好移疎影粉牆邊祇愁雪氣傷梅氣
差喜今年勝往年花可療貧高士傲風來點額美人眠
怕吹隣笛江城落起戀朝霞到晚煙

孤亭憑賞一高歌俗不貪看奈俗何久雨尚嫌春意少
異寒衝得冷香多十分花色醉紅日幾陣蜂鬚撩素娥
倘有幽人識幽趣志同澹泊許經過

園中即事

爛漫園增景橫斜亭不空曲闌穿蝶翅小鳥啁梅蟲掃
興如花雨宜人落照風歸巢一樹雀鼓翼各西東

月下梅

看月梅梢上冰霜庶可伴風流君占盡雅淡我同儔有
爾真知己無人獨寫憂地天花一色香到酒中浮
竹外影縱橫疎、密、生山空雲不礙空白意俱清月

亦愛花潔花因待月明盤紆步高下興罷已三更

落梅

花魄將離日半西春心無奈鳥紛啼因風碎片猶堆雪
著雨殘枝欲葬泥喻我不才蜂蝶棄值時多病夢魂迷
主賓醕鼓飄零後再訂明年開滿谿

偕同人下市僧樓看桃花

披雲拂日山水明隔溪天似錦城臨流喚渡入精舍
樓高俛瞰花爭迎萬枝四照當風舞清臚貝齒懷春女
平田成綺散餘霞昨夜雷聲悵紅雨低頭射波桃浪翻
騎鯨到此醉中看度索山前遇狂客元都觀裏開芳顏

勝地卻被溥修占苾芻送萍招狂豔外熒流景舊愁銷
有興看花不厭嫩紅本是花中妖世無美人誰助嬌
紅塵紫陌香十里人自含羞花自驕置身市上烟窠外
花隨流水作襟帶靈金飛布隱天都放眼開胸此其最
恍浮三翼來武陵桃源之路雲千層借問捕魚人不答
空勞谿上幾漁罾青驪欲逝花更好菜黃柳綠青草
僧如相許再登樓擊甕飛觴寫幽抱

梅山道中

紅雨初飄綠半林歌殘舞罷最傷心看花有意無顏色
空負詩人昨日吟

夜臺兩弟泣趨庭愧煞餘生幾卷經子欲養時親不逮
黃壚松檜自青

晚眺感少海

雨餘春樹更妍春亭面荆花忽愴神劉氏竟埋千日酒
陸家空夢一池蘋山光遙接青如許水色平看綠更勻
日暮珊、風動竹白雲深處隱騷人

立秋夜

風夜大火流脩篁韻成趣吉士心悠、月明愁不去

次韻程雲溪贈別揚州

豈無鴻鵠志暫借稻梁謀莫餞黃金酒朝開紅葉舟水

水雲歌贈句風露送殘秋待看平山月勞歌意轉悠

桂花

三次開
感茂

南來寺不寐

寄宿南來梵宇深紙窗蕭瑟冷風侵漏催一榻殘鄉夢
犬吠孤城警客心起舞可能言世事求仁何必入山林
秋珪滿地疑霜降獨覺虛恬聽曉禽

黃春谷招飲

百城日擁夜猶忙豈假聰明傲世場解論風騷傾菊酒
少年占地不尋常

羅養齋見訪

羅善星術

一見懸河口春風拂四筵詩吟宋以後醫法漢之先學
士飄零酒星官星落魄錢樂天任長短何必問流年

落霞

樹無生意草皆腓獨坐滄霞思欲飛借問行人沽飲未
何因多帶醉顏歸

場河舟感

世人規福我全愚節序萎滯客途水濁教人懷練浦
山拳寄夢陟天都谿多灣似舟師嬾帆故遲將箕伯呼
野黑烟橫猶亟懼元門栖慮有耶無

即事

舟子從風勢懸蒲下秦州冬看堤上塚春作水中漚駕
浪幾羣鷺遮寒一漱裘銷閑越鄉客能說舊時游

汧谿

羊牛初下火爐紅怯不禁寒戢翼同五過邨莊十八里
汧溪汲水待西風

秦潼多鴨聲不寐

余惟養拙深藏舌呬胡為申旦鳴遙憶池塘讀書夜
碧梧秋月聽蛙聲

早起

星落凍初解鴉曉風又來大鈞吹萬兆飛不盡氛埃

長至前一日安豐俗名小冬是夜男女守歲除夕
為分歲

萬瓦霜飛火爆連強如守歲過新年添長弱綫明朝事
女手今宵占得先

打凍

凝閉河猶鏡膠舟客意灰作糜空有望執杵亦難開絮
擁嗟餅聲簾披放日來南薰陽始治挂席喜風催

平山看雪

十里衝寒兩槩輕山頭一轉是蓬瀛凭闌檀板歌春雪
勸客金尊聽曉鶯冷淡心情雙眼白飄殘竹石半湖明

吟蓬歸倚風淒緊喜不封條頌太平

除夕

翦燭貪梅影橫斜壁上踈牽車秋始日客歲我生初有子

難傳業無耕且著書一年胸塊磊多借酒消除揚地用

花開
亦茂

漁村詩集卷七

歙汪灼著

立春

陰改陽初至晴空落晚霞黃柑傾舊釀青韭獻新芽
夜寂金猶礪衾寒夢及家牀前小兒女依母又呼爺

次韻羅浩詠梅

春來早擬與花期誰識含香雪壓枝葩助精神能拔俗質
原清白豈趨時空齋待月伊憐我深谷臨風我感伊日
昨東郊迎仗後憶梅恰喜讀君詩

感懷

明燭攤書繼落暉
燭殘讀罷入愁圍
穿窬月冷嚴更夢
就枕兒啼午夜飢
口欲片言三輔定
舞無長袖四筵譏
那堪年齒空流邁
豚犬初生髮已稀
壬子後四月生四
兒基昌家書云半
載雇乳
母未成

客邦思歸

世事雲隨變
予生志未休
孤視空自得
仁智豈終愁
寸草風前偃
長河天際流
拜經庚子日
歸我讀書樓
朱竹君前

輩書拜經州
堂額讀書處

夜過南門灘

絕壁晚烟沒
靈波孤月流
湍高憑衆榜
風駛縱輕舟
秉

燭酣村酒觀星上
舵樓水長銀漢接
身汎類鷗浮

十一月十五夜月

隨船叫膏一雙鱸
月恰當頭興不虛
此夜光寒共千里
穠纖無影落庭除

葉詠亭誰莊

問誰得主此山莊
繼起新基舊講堂
竹木有情供嘯傲
雲烟無意任飛揚
兩淮名譽當年振
一代風儀奕世長
境到南華真面目
每逢安樂即為鄉

五日謝詠亭角黍枇杷瑞蒜涂茶之惠

五月五日午風清
眼花恰共榴花明
待浴蘭湯浥蒲酒

投以木李如鳥羹筠筒貯米一憑弔龍舟三五縱復橫
角菱秤鮠魚九子名由楚粽無定形廣陵吳孃擅名久
入春擇粒不厭精作煩怕食蒿山蒜感化雙蓮怡客情
涌觴憤懣忽生渴金丸口吞糜芥冰敢知盧橘笑嘉甫
坡公博物千載稱散步每咨歌郢曲、聲流徵何哀鳴
心煩欲藉滌煩子茗入花瓷舞綠萍較勝月團三百片
涂茶八椀盧仝驚啜余拙君獨許儒雅近世推老成平
山詎異汨羅水掉舟同誦離騷經

榴花

早妒飛花雨遲殘落照風為誰留一點飄豔綠叢中

贈江製川

撫鏡華緇霜更侵雲愁風積海中尋十年耳接名堪仰
一紙書投感獨深志大能謀當世事交初即見古人心
停驂數日為分袂色、相晞直到今

初冬客便倉看鴉陣

萬鴉啼起各成羣忽到橋頭陣勢分欲下喙垂斜拂水
沖空絡翼直穿雲當先魚貫初逢敵殿後兇奔再整軍
遮斷夕陽紅樹影歸巢時月白紛、

次借軒餞菊韻

輕露方栖又別筵人花暫寄思悠然輪杯弔遍將殘魄

借筆圖成欲曙天四壁橫枝憂可寫半簾篩影夢相牽
最憐風雨寒郊外晚節留香復直錢

獨對離尊念轉長明年今夕賞孤芳仰參天意俯參物
前在籬邊今在堂南北東西人盡客春秋冬夏世皆霜
我生獨具烟雲眼聊藉黃華餞一觴

除夕

矯首星如衣在天愛為長飲不貪眠小兒迎喜繙新歷
幼女徵祥過閏年屋角梅斜留瑞玉窗前燭短起晴烟
且揉醉眼憑髭几竟讀唐書武后篇七女生庚申辛巳
為雙飛蝴蝶格

途中即事

十里桃花一望開無人惟有蝶飛來菜黃柳綠輕風拂
任爾高低自作媒

啁哳東郊亭午雞墻高松韻更清淒不才徒有風山志遊
目遨魂到日西

挽曹文敏朱母太夫人

九十春秋又四齡儀工孝讓女中箴金多不改幽閒性
貴極猶存澹泊心子授尚書三額賜孫官端尹
兩朝欽天花著塵緣盡千載徽音故一吟

勝蓮寺牡丹

石虹架空匹練長萬綠潏樹妍谿光循溪一徑到靈宇

瞥眼日午花芬芳金紫大夫勢烜赫肉紅魏相神飛揚
不邀人爵邀天爵許奪天香奪國香孃然巾幗飄、舉
恰似靈妃莊妹舞川枝玉佩響西東夾立風前如解語
半藏春色花蕊中乍拂輕颺紅舌吐春風講舍酒政濃
萬紫間白搖千紅蘇都法界空色相何來豔質流霞烘
蜂狂蝶恣無定刻枝頭啜、耳震聲想是如來大法雨
卉木藥草咸滋豐矧爾花王兼貴客拈花微笑朱竹樓書額
百慮空憶昔偕友尋天竺感唐山人魯星村此信宿竹樓
書得蘇米神漁村嘯歌呈村竹未經皖上詩魂緩步綠
錢聽鬼哭日挂花叢花欲飛輕紅一捻兩依、暮烟遙

起隔林樾水色山光送鳥歸

龍山

虎嘯風生龍復吟俗名虎尾山鮑誠一鎮以畫虎疎松寒夏起濤聲六

州撫衆神威戴吾祖越一詔捐軀廟貌宏岳忠武公古樹勢

橫窓外小遠峰高插眼中平後山遇賊標題處不愧成

仁孝子名明嚴本題宋處士鮑宗巖與子十十壽孫遇賊爭死處今刻石嵌後山壁

無題

天、向日桃嬌、當風柳力倦不勝春將與韶光老佳
人睡新起翩、臨戶牖花隨靈鬢偏絲共舞腰繞攬鏡
脩芳容柳閣桃增醜春深憂思多芳容豈常好因馮手

中線繡貌魚花柳遠寄同心郎展圖識新婦妾心強矯
松妾顏衰弱草歸思復搖，陽翹問蒼昊

子規啼

不如歸去不如歸去子規啼紅聲不住風雲萬里動鄉
思秋月春花等閑度本無利祿擾蓬心奚來富貴恍奇
遇泰山禹穴司馬文詎若蓮峰隱朝霧瀟湘帝子屈原
悲何如練浦駕羣鷺歸去來兮田園將蕪胡不歸陶潛
豈無四方志不隨黃鸝東西飛坐聽鳥聲心事違敢與
塵世爭是非柴門著書多歲月翦我春韭歌我詩

歲辛酉三月十六日晨雨過散步梅林實垂，環

六空亭外瞥見綠萼梅開一枝出萬葉扶疎之
上花十倍常開者附不緣幹特曲一莖約半寸
許有五葉分承花底瓣五出每出三層須黃心
綠儼然玉立風前帶葉花折置餅中頗清病目
圖為小幅他年披圖見花當亦興致不減昔云
綽約更娉婷綠叢點雪新書窗供色笑月夜守清貧玉
貌憑余筆冰魂助爾春非時報花信相對故愴神
似醒空山夢來棲畫閣東一枝愁帶露半面喜迎風境
澹烟塵遠情深志味同莫悲零落後心事託圖中

雲水吟

油雲出無心風卷奔殊狀河水性安流激行在山上少
壯心氣驕磨礪老知讓研經鑒史冊望道神昭曠激齒
汲寒泉澆胸揭新釀把舵放扁舟奚愁拍天浪

晚窗閑望

烟散一窓中夢晴尤喜風谿環春樹綠山半夕陽紅倦
羨歸林鳥閑親罷釣翁不堪牛臥喘孤塚草茸茸

傷春

梅葉青、梅子肥美人無計破愁圍心酸不怕梅酸齒
掃落枝頭滿載歸

輕埃空散喚鳩媒故、蜻蜓飛去來春意盡藏金屋裏

一枝空占百花魁

時寫梅故云

立夏

春消昨夜雨麥卜此朝秋季實榻初坐公和裳散憂每
逢金水令羣作稻梁謀鼓舞仁風世村、遍綠疇

榻臥

西窗懸榻為身橫階窳貪眠夢未成鼻觀無端來鬼氣
耳根不住作蟬聲

方書肺熱氣虛所致

寫梅欲似同梅瘦狀鳥難

工聽鳥鳴長恨放歌書一遍任他歲月幾番更

以竹人弟舊紙

裝小冊屬書白香山長恨歌

鐵線蓮

初敷六葉白蓮花細瓣層層似菊斜恍入東籬栖早露
如逢西子浣輕紗鐵穿弱手頻添綫枝折衰年好剔牙
雅素惟君清氣得耐風耐雨野人家

蛺蝶花

蛺蝶爭開日正長困人天氣斷人腸客來不向花叢數
枝上空飛葉下揚

雨途

風迴難放渡谿漲欲平橋樹齊葉浮翠山迷峰獨翹插
秧泥滑足摘豆雨傾腰多半橫田麥翻波逐浙潮

題白石翁寫生冊十二絕

露湛紅珠費染勾含顰帶笑獨情真四香閣上空爭豔
得意一枝天地春

牡丹

叫絕東風快剪刀臨池的月輪高林間參透應成佛

枯井何須再起濤

梔子

東方偷得下天來十斛瓊漿貯一枚不羨廬山供飽噉
故留仙種待人栽

桃

著墨無多是老桑隨風稿籜自飛揚柔條似為登蠶再

欲拒秋胡不拒霜

桑葉

秋風吹破淺深紅堪作胭脂滿故宮莫學輕狂金谷相
獨迎霄日綠叢中

石榴

當階一柄向風搖曾抱衾裯入紫霄廿四橋頭好明月
宮衣脫卻轉添嬌芍藥

黃毛白色兩烏圓飽食花陰自在眠鼠輩任他施五技
夜歸書舍守殘編貓

楊梅未熟夏初寒黑暈先從畫裏看一笑哀仁官待制
何如帶雨老新安楊梅

三徑歸來看菊黃于今誰復白雲鄉半彎石壁花千朵
祇許雞遊蝶嗅香雞蝶

晚香寧肯傍朱門未占西谿第一村傲過夜零花事盡
教人能不日銷魂菊

寥寂荆扉晚吐葩幾堆玉屑淨無瑕龍山別有梨花夢
不愛霞烘愛日斜木香

可憐飛燕獨眠時那得君王帳裏窺秋月春風期共老
怕來江上弄潮兒蛤

懸針隸 作此種書非懸肘鎮腕力透紙背不足
觀堅如鐵可鑄石利如錐可畫沙古有科斗文
此名懸鍼隸象科斗也

從來書法少懸針獨錫嘉名冠古今禮器碑陰存一綫
傳他筆妙待知音

長夢歌

曦娥百年猶一夢五十之年夢半終顏瓢曾慕曲肱聖
何期齡促嗟道窮莊周逍遙養生主胡蝶栩栩還虛空
莫如祿有千鍾擲百萬揮戈醜鼓排愁悶詎知金張陶
白雲空浮者糶那及青精飯天賦蓀愁未可尋得終一
夢老山林胡為乎隱憂來相侵

勤思樓望雨

書樓風欲滿雨灑一心清池貼苔痕林傳蕉葉聲練江
隨石走黃海弄弦鳴鬢赤松子排雲出笑迎

苦雨行

野老倚柴扉邨農語依々大麥色黃小麥熟飢不愁食
寒愁衣側聞川米百千萬舫來自襄陽境教匪慧埽昭
天威每苦通衢化渠猶未霽波臣舞蹈雷奔飛橫田離
披水漂汎縱得銜刈何時晞滇蜀路通渺虛語昨者鼓
腹今嗟歎此時東山客悵然歌采薇天心若遂農心願
四方無拂放晴暉

喜晴

晨風宵雨一朝晴遙聽村々打麥聲水色共涵山色靜
花光爭映日光明掃窗煙散梢雲竹破夢愁銷媚柳鶯
獨到蒼溪垂釣好分流水石發長鳴

大水魚

堪嘆漁人競截流，舟環水面逐魚浮。
幾經鷹嘴吞還吐，偶脫叉頭去不留。
我本無懷槎枿意，世因貪得死生愁。
何勞再放溪邊渡，深入名山足臥遊。

不踈園四宜詩

苔梅占春光，茲園乃宜春。
翠阜四周迴，橫斜養其真。
若亭屹山立，六角垂天雲。
客惹羅浮夢，時翻豔曲新。
月上韻尤別，醉來花獨親。
實三復，實七綠葉還宜人。
雙桐得夏陰，茲園廼宜夏。
晨看日影夜疑月，光墮脫帽
箕樹間橫琴，鳴石下含雨。
根流青參天，烟不鎖五月花。
送香七月子落野，葉下昌風生。
憔悴何如我。

蒼桂壯秋色，茲園乃宜秋。
慚非折桂手，冷落幾荒邱。
堂中羣彥集，雲外異香浮。
黃金緣古幹，萬斛粟枝頭。
漢宮難作柱，楚客堪為舟。
連蜷老中岳，藥石供許由。

孤松耐冬寒，茲園廼宜冬。
春積翠夏寒友，梅弟蓄桐霜。
飛色不改矯，桂叢中班荆。
自心賞燃節，知道窮未許。
棟榱猶存君子風，俛仰一悲嘯。
此境將母同。

哭五女得璋

憾，復憾，有女當嫁逝臨逝。
悽肝脾不到膝前侍姐
妹六七人，酒食敢忘議兒捐。
白髮親死慙生女，累語罷
睫汎瀾孤魂翔。夏至八歲，誦關雎，常懷內則志。十二聘

程門衽靚知所事十三學刺繡十五工裁製十六憫羸
形眉間鎖愁翠讓堂程經師愛我赤繩繫芹藻發孫枝
快此乘龍壻祖德舉賢良繼述宜科第月飄丹桂香燭
照紅粧麗先生近八旬應為歸妹計去冬訂昏期間言
即驚悸春來再訂昏稚齒驚寐依母更纏綿呼耶竟顛
顛嗟哉古禮經二十嫁乃利昔日重師情今朝傷女斃
憂積心如焚何時少安慰

贈養金魚

綠藻叢中戲錦鱗浮沈煥爛勝花茵食魚有味觀無色
故降雲霞散滿身

吳丈耕堂以為藥畫扇索詩走筆寫答

廣陵芍藥甲天下春不倦觀歸來夏鵝黃金帶玉盤盃
嘉種移來失真雅傳神墨妙許充山花先醉露羞令顏
縱使紅綃隔千里香魂遙攝來山間奇芬鼓動手中握
彷彿美人睡初覺橫波約素惑陽城展開每怪狂蜂撲
一枝相贈媚元暉脫卻羅衫換錦緋炎輝藉爾解伊鬱
祇恐風來花欲飛

除夕

寂、荒山氣自雄不愁長夜酒兵攻閑來託素堪餽壁
老去敲詩好耐窮早韭年殘一寸白寒梅蠟照數枝紅

迎新送舊隨人事也插新冠柏老翁

俗以柏葉作寸許老人插帽為兆

立春後一日作

春初細雨又微風天竺依牆洗得紅
世事去年猶夢過
未來心事有無中

人日

怕讀春陰方朔書荆妻翦綵意何如
米同珠泣千家怨
口比鯨吞百物虛
古墓樹遭斤欲盡
深林雀為網多除
老強筋骨猶為圃
盤襟冬春快食蔬

春陰

聒絮厭聽檐際鳥飄殘愁看雨中梅
河漂七十二州縣

猶恐春陰水又災

卜晴

雪挂遠峰白道征可卜晴
幾家春樹裏一水野舟橫
承宇雲俱澹披襟風少輕
檀干閣連蔓鈴語雜泉聲

春溪放渡

桃紅十里一勾長柳絲垂綠菜鋪黃
出門方儀逞顏色
何我憔悴無春光
東山留屐脚不健
南園袷服日復盲
五陵豪右母輕狂
古昔有訓舍則藏
中流擊楫寬愁腸

貢廷姪號梅影呈詩屬和

爵梅兼弄影借號欲親嘗
不向笛中落偏從月下揚
看

橫疎密處稱得姓名香
命意非曹緯雲輕霧薄藏

立秋

向暮朱羲白道行
秋蛩抱牒祇長吟
宋人空費握苗力
老圃常懸課雨心
塵甑敢貪肴四膳
溝車能引瀑千尋
半無灌溉成枯草
誰沛當年傳說霖

憫早謠

四月淫霖六月晴
村人擊鼓卜秋成
地無寸艸逢生意
留得芭蕉待雨聲

才看朝霞又晚霞
火旻光欲爍桑麻
南東一炬憐焦土
萬束枯禾貯縣衙

南門灘上米盈舟
可奈新安江斷流
富有倉箱儲擔石
也持升斗到街頭

屯落啼飢起盜心
西家搶米北攘銀
去年今日催租吏
孤負誠求厚下仁

手種紫薇十六載
或不花或間歲稍
一花今自六

月至九月花開繁
茂俗名曰百日紅

一段赤雲飛半空
紫薇光照滿園紅
曾經夏日三秋盡
恍遇春花二月中
唾染枝頭楓減色
爪搔癢處蝶翻風
牧之愛爾擎杯酒
笑露脂脣兩意同

晚窗野望

雲峰壓山顛恰與山峯齊新月墮溪底殘暉隨樹低
颯晚風清搖、秋韻淒難望食夫稻矧復嗟無衣爭看
田寸粟忽沾雨一犁野免菜蔬色腰鎌同鳥歸

屋小

屋小梅枝碍操斤仔細刪枕經嫌日永養拙得心閒
風過徑如埽客來門不關藥苗爭日長祇為老多癯

中秋無月歌

望雨得雨昨夜之月即中秋期月不月今日之雨不中
秋人生偶得亦偶失千駟一餓同悠、况此一朝之雨
一夕之月耳奚勞此快彼煩憂果遂山農願應為閑客

愁閑客滿志山農怨芒、天宇難兼求得月不過供吟
弄得雨可免荒田疇屈指計得失孰絀而孰優黃山薜
蘿白雲蔽練浦石瀨洪波流斗米價騰錢五百風颿佇
立奔米舟田禾六月槁稻芽八月抽南東其畝遺滯穗
待看寡婦來勤揆因之銜杯坐聽芭蕉雨又聞三分四
分不定祈秋收無月而雨全世謀條馬金波東放麗西
樓對我蒼髯皓鬢空增羞

不寐

夢驚走鬪穿牀鼠耳聒飛鳴入帳蚊蟋蟀更兼催玉漏
新愁舊恨若絲棼

穀日謠

人日不如穀日好夏刈來年秋刈稻人日陰，穀日晴
民止食寡倉箱盈老農訴語頗煩耳大鈞祐仁豈如此
吁嗟米價倍於常多求囊白兼取黃莫願今秋再攬減
徒抱鷓鴣增悽愴翁年六十風前燭頗頽何傷登鬼錄
免聽啼飢號寒一路哭

燈花

明晦燈凝畫角哀郎心豈似妾心猜手挑點，落金粟

偷向廣寒宮裏來

燈花桂花皆名金粟

次韻葉澄齋和鄭雪漁詠梅

咏梅東閣句紛，攝得冰魂獨讓君酒到半酣吟七字
月從極澹味三分春中驛使不堪贈夢裏笛聲何忍聞
絕喜日斜花氣足香來貫鼻助餘醺

梅蕊

籬門風起自然闌手蒔梅花意仰攀幾樹含情低拂水
千枝藏豔曲環山冰肌袂障留芳澤紫府丹成換醉顏
日漸圓勻逐春色呼童莫使酒杯閑

晚步

茗，亭繞曲闌干倚遍穿篁月一團溪路野梅觀不倦
冷風吹得骨生寒

閑過葉寓雪漁借軒索詩題命以凍梅雪先成即
次其韻

幾夜疑霜幾日陰騎驢未敢踏冰尋香封古洞癡雲擁
雲鎖春粧畫閣深寂々英州風度嶺依々茅舍月穿林
一番耐冷爭奇瘦始識天公磨鍊心

詠凍梅

老樹霜添重驚飈晚更狂明知今日凍留得後來香觸
冷雲落紙惜花酒澆腸精神七日復流媚鬪春光

再詠凍梅

執筆觸寒指皴裂呵寫梅花韻淒絕凌霜凌雪過三冬
欲吐欲含將半月雲迷烟障未肯開甘老潛藏香霧窟
蕊綠玉手溜垂冰幹臥清溪蟠屈鐵新花何日插舊瓶
詩興未能銷酒渴對樹彷徨效法曹冰丸入口細咀齧
寒鷓有意恠悲啼流水何心斷嗚咽但聞一束金百錢
不見六田首寸髮世人謀食不親梅々亦含酸故凝結

催梅

谿西老樹凍山隈為倩東風著意催尤物愛酣和仲酒
佳人親許廣平才九陽精氣花先覺一拆懽聲春獨回
餓眼倚樓晨夕望玉瓏慙睡也知開

寒梅

陰時心慘嬾開扉
梅斂光暉待雨肥
香滿南枝靈液重
聲悲北嶺鷓鴣飛
松間月照幹偏古
竹外風清花更稀
最是僧窓多冷落
溪橋人帶夕陽歸

夢梅

不是香魂結撰空
滿腔心事有無中
淡成粧服橫參夜
境接梨雲落照風
對面無言春意足
多情索笑俗緣同
淒涼怕聽關山笛
喚起離愁院半紅

寒松

無人空谷振寒聲
不受霜威故、鳴處
士窮棲綠節勁
大夫光寵豈心貞
倒枝猶挂三冬色
本性難溫一世情

白眼醉歌王范句
風標惟有鶴飛迎

冰柱詩寄劉克庵

陰風卷雪夜初停
曉起檐牙恍列屏
虎魄光盛碧玉盃
流離瓦溜水晶釘
侍兒敲斷手堪把
野鵲啁殘聲可聽
總為劉叉遣詩興
玲瓏遙挂月中庭

春寒

寒逼膚生粟
飢腸覺更寬
爐圍小兒女
牽袂勸加餐

似寐有悟

十笏維摩室
專精去傲頑
動時猶逝水
靜處即崇山
味道境偏澹
忘年世不關
詩文盈半尺
刪削始知艱

正月盡大雪

山川忽同色幽齋喜燭暗巖隱老龍鱗飛空倚天劔枝
環回淵珠青，外舒揆苔梅綠衣舞乍啟朱脣豔明媚
許傾城愁多一笑欠露臂粟紛侵繫口牙爭齟對雪欲
延枚家，白茆苦酒帘蕩微飈細認識邨店袁安臥固
常劉伶死亦暫兩眸無青時一心惟白醜貪璧又貪珪
嘻吁日將暝

雪梅

蕊綻半含雪虬枝盡玉相癯仙偏愛潔滕六亦憐香淨
到無塵點宵疑有月光青山郭難望花雪兩茫茫

桑婦

遲，好春日薄言采桑林采，復采，見桑不見金

集同人觀梅復雪

翠樽盛酒酌花前三兩詩翁抵萬千老蚌不才拈險韻
阿咸乘興詠長篇暫除冷性因人熱瞥起同雲帶日旋
度曲正堪清夜永任他飛舞點芳筵

問梅何故不精神玉宇空翻萬斛塵賦像班形隨地軸
封山斷水隱騷人有情意態多埋沒無力腰肢少欠伸
肯令曦和來弭節園林春滿百花親

梅雪歌用聚芝姪六安亭觀梅韻

千堆萬堆雪空積十里五里梅爭白猶龍淵躍雲欲從
策蹇途迷足不發因令張嘯主開卮分箋苦索梅花詩
平疇就矩麥含潤高樹巢鳥敢辭枝碎打頭聲窸窣狂
吟側弁渾無知王家癡叔胸藏竒絆驥垂耳無心馳入
春祇卜花信早長臥那識霜鬢遲嬾去訪逵造門返甘
來映字涼風吹千古豪雄今在否黑酣全賴聖賢酒色
等蜜脾奚足觀幻裝坳垤終難久閑攜小阮細論文境
過詩存梅雪有

書家實夫梅花詩冊

西溪恰喜是家鄉吟到梅花獨擅長練得百年風雪色

展開字

吐幽香

西溪之梅名曰香海

簡示大二兩兒客揚州

室毀一雛墮堂高二老孤軫懷詩代哭憂病母誰扶矧

結天涯念而遭擔石無平安惟兩字月慰桑榆

六女無病

沒為作月瑞吟

山居有感

舌耕謀拙愧山農踽、行蹤落、冒隙漏日光嗟野馬
空掀雲浪認飛龍窮餘短髮隨年改富據長腰入確春
風氣漸澆情漸薄醒人香阜一聲鐘

漁村詩集卷八

歙汪灼著

後二月一日

自昔羲和定歲初今朝二月得分餘不踈名園再釀烹蔬

趾半隱閣添賓讀慧書人似黃楊遭月厄愁如綠柳借

風梳山村亦有重光照好把遺經帶日鉏

讀制科小錄懷袁陶軒竝呈讓堂程夫子

月瑞吟悼六歌未終荷池所居一札擊短童傷心本

無門友念飢渴若在寄書中初緡儀禮喪服足徵記繼

以考工樂器三事述之錄一通康成誤經入傳討論

經義歸所宗三浙隴，奏古樂考鍾伐鼓。

昭代隆或曰中丞阮公崇聖講儒術實藉先生稽古制

器傳無窮吁嗟奔走風塵吏名為雕篆不識字為陋反

憑義俗書因輯字學四辨析真偽金壇綜覈是非明訂

正說文先我意段玉裁著令我夢魂飛到五硯樓尊酒

論文酌同異粹然書中逢舊知制科小錄贈自讓堂師

袁秉穀少孤兒磊落人中奇負笈紫陽來西溪汝

著讀詩隨筆日余為詩經言志時，年爾我未三十崇

論閱議誰復辨雄雌誠齋山長鄭名虎文設教紫陽憐

書癡可即賞奇不決疑約園鄭第伊在程從旁未敢置

一辭懷德堂中燭屢跋參橫月落鷄長曉憶昔師弟友

朋聚一室而今二十餘年死生南北空相思後所著書

惜未見得閱書名空羨豔佚書為鄭作功臣詩詞書畫

及文獻四明披帙精氣浮搜遺勿令嗟消散更從家譜

篤彝倫不負命名秉國鈞名鈞何時客窗鄉語寄按側

憂緒全除耳目新詩采六章文四首著靜寄東窓詩文

此麗藻一，存其真爾哭妹兮有哭我哭女天涯月夜

同悲辛我雖鷲鳥貢外府不見君為一鷲振韓杜文章

光燄在珍重信今傳後身生也逢秋不逢春守死善道

毋傷貧讀罷詩與文如親故人面雲，白雲許我同行

心一片

谿口桃花

天桃萬千樹一溪環之流花叢苦森束對溪望中收側
篤放春渡來登靈宇樓茶賈頗解事矯掌松棚休重羅
裏黃韭晚莛擊古甌秦、半舒葉灼、多含羞目送十
餘里為丹蒸河洲白波翻錦浪玉蘭遙相酬清冷權歌
起顛淡暝烟浮回首武陵源千載空悠、

兩兒書不至

引頸當年寄信人致疑江上歎波臣分栖猶是連枝鳥
一樣無啼過兩春

清明前一日拜梅山墓

川流無時回花落不再鮮年、見花水親顏胡杳然何
以報罔極窮困呼旻天何以報罔極凜身若冰淵何以
報罔極著書期歲年罔極莫可報埏草徒芊、鸚鵡鳴
古楸陰風吹冥錢但見花萼朱寒具羅虛筵又見荆株
紫兄弟長棄捐獨形留答影俯仰誰為憐目斷海濱客年信
兩兒客鹽場詩傷奔月仙月瑞吟悼六女惴、繼前軌汲、攻遺編

少抒罔極哀終焉媿象賢

次韻家耕巖書懷

不羨成都八百株甘貧甘老

帝曰吁焚身總為象多齒席草勞龍有鬚君借董林仁
術大我探禹穴褊心無時清莫種南山豆樂府誰歌擊
唾壺

自課

城府何愁邁軸侵幽棲淇奧起謳吟已酣白眼書為藥
詎畏青蠶坐有鍼周望不甘屠釣老靈均空惜汨羅沈
睡時也擊枯藤杖綴學遙共古今

雒巢

日半虧天月上梢乘風桐葉鵲來交十年情好無猜忌
祇為雒多構兩巢

立夏日感書

首夏悲淫霖淫霖午來狂奔欄雀避室盈階蟻穿堂農
夫亟登麥早暮巡阡陌去年粒未收恃有前積年今歲倉
箱瘵無一策危坐見豐隆懾懾驚魂魄鬼鬼未定驚忽
忽烟樓鳴蚯蚓爭泥出王瓜延蔓生妻進梅實三未食
心先酸骨熱面亦赤安得元冰丸篝燈課小子數學良
可喜賦質愧蕭王不憤亦不啓若使憂傷人明哲誰保
身

月瑞吟 并序

女行六當逝時年十有五乾隆歲己酉，月酉

日哉生魄是夜驟雨予偕許外舅獻初徘徊中
庭仰見雲斂晴空瑞光四照中捧玉輪圓潔異
常境值子初三刻正女誕生時也過時復兩名
曰月瑞誌異也女生駢脇襁褓中儼玉琢成稍
長舉、有晚顏喜來按頭學書操紙筆漸覺楷
法工致能吟五字七字二韻詩昕夕侍母循女
職其鍼績羹湯家計事無不母教者春夜中微
寒投以藥良愈晨起布衣淡妝來堂上問安似
有感謝狀然無一言也歸閣瞑坐屏氣日將晡
敦請父母至箆前泣曰欲報之德昊天罔極語
終不再語叩之亦不答鼻口微噓瞬息而氣絕
醫環視咸不及措手亦莫解疾所由名異哉呻
吟之聲不聞痛楚之形不見一時承諱鉤月初
臨嘉慶八年二月六日酉時也初女甫八齡依
乳媪至岩鎮洪某家一再止宿與洪氏子兒童
嬉遊唱隨如夫婦禮洪祖姑、舅羣笑愛之懇
媪三四返訂昏因許聘焉然則作之合者天乎
人乎明年予客揚州歸喟然曰此女胡輕許人
洪氏子雖稱快然恐非女敵世固不難於得婿
之富且貴而難於似女之清麗超凡也今果翩

然逝矣始知作之合者人也豈天也哉可異者
綽約天成修姱自好處動悉與庸女殊外露桃
柳之姿中藏冰雪之性獨靄於弟姊妹媿
氏間侮之亦順茲人與之言嫣然一笑而已夙
昔見而憐之旋復悼之而今若無病歿豈日昨
之抱微疴繫余輕視之故耶抑多進漫苓薑桂
汝病不復起耶縱求不死之藥扁倉之術亦無
能拯汝疾之速也譬之卉木根蠹而葉隕枝槁
匪伊朝夕人具陰藏陽府必十二辰分敗而厥
腔乃壞何申及酉未竟而委蛻若望百歲老人

豈不痛哉雖然生而異者死亦異 曾大父有

舞鶴之迎 先君子有脩文之請而此女來御

纖阿去歸結璘奚倦於塵寰第恨余髮種

天奪厥愛悲慟之情與生俱永矣九日卜吉歸

藏於師山先雨後霽如生時絕不意其與五女

得璋連墓也悲夫老淚已枯哀歌當哭為月瑞吟十

四斷句

哉明哉魄幾多時風妒芳梅散古隄有女如花向空墮

帶蘼和淚葬春泥

纔倚溪亭豔曲歌童奴報道病添憂彌留不改幽貞樣

語絕毛詩雙泪流

寒侵玉澤政黃昏攬鏡依然笑語溫
感謝乾坤恩德重長眉羞再過洪門

生初雨霽兔輪高肇錫嘉名比鳳毛
仙草有根藏月窟人間灌溉也徒勞

短折從來總是虛劇憐無疾返香車
岐黃問答終疑證鄴架空留萬卷書

傷心片刻死分離因憶閨中膳瑞芝
荆布釵簪無怨語

強吞麤飯學吟詩

性愛芝月出供芝
跪拜取其瑞也

效母新粧十二年天生波峭教人憐
耶孃酒食都諳性

繡出花枝拂露烟

午進盤滄晚進杯粗完家政向庭來
心靈解得關雎訓波折依稀李衛胎

嗎馬一笑可回瞋六月猶操冰雪心
指似蔥根初削就納涼搔背到于今

門戶冰銷忽十秋依、母氏代持籌
千呼萬喚惟聲諾步下蓮花又上樓

宵分刀尺一聲、互答鄰鷄
臍臍鳴高閣垂頭嗟二媳

攤書伴母守孤檠

余作詩酒必三更後歸
數十年來夜讀亦如是

憐貧難製嫁時衣故約飛瓊駕鶴歸
七女止三存四女

雙親白髮泣羅幃

予衰少小偏憐汝妻病扶持獨賴伊春日桃花秋日柳
飄零何處寄相思

月落更殘數點星淒其三夜一棺停前年哭姊今傷妹
楊樹蕭、兩塚青

悼張明經節 并序

節字心在一字夢畹歙南紹村人僑居郡北郭
年六十於嘉慶癸亥三月二十四日棄世悼以
五言十章紀生聚死別友情書懸棺右俾其子
慙夫昆弟什襲之

夏雲掩東壁北野喪文人嗟、感知我同懷見道真柳
下遺風遠滿座無時春窮達固莫計文章或有神獨坐
理瑤琴古調誰為陳

締交三十年臨逝達尺素書言字模糊永訣期一遇城
郭斷荒村十里沙堤路亟不待安車悽肝敢徐步依、
執其手聲顏復如故

君喜故人來牀前笑語陪飯我以脫粟復勸飲綠醅絕
少悲苦狀昭、璿曜回學庸契直宰論孟藏胚胎欲淨

始見聖至道遺枯骸

學庸四句
永訣時語

口誦松溪公閩洛心折衷七日歸太素天府推文宗君

神七日返聞道亦無窮夢著忠恕錄要言備厥中以此
徵行述方知克有終先嚴號松溪居士君屬其子凡
吊死者以夢忠恕錄代行述以贈
自試未褒采教子歌鹿鳴制藝世所資從游落筆成廣
陵仰人範肝膽為我傾歸田聚三載得已無邀名六十
豈曰短夫何媿明經

八歲利天機六歲詩脫口子建吟一章歌郎飲一斗江
河濤浪生風雨龍蛇走萬首輕劍南百篇擬韓柳詩文
本情性芳塵空振後

周易稱溯源機象窮精理春秋名獻疑正列闡微旨二
經時匙通君其具兩美通經當致用此語竟虛矣精多

用物宏立言應不死

太史名正富蒼生屬望虛綠鑒庸凡子推詳黃帝書醫
參十數種種、漢醇儒惜負無功治請禱甘鬼誅濟世
惟經言小道寧拘、

長別笑言予我志君所識歡如不踈園勿作可憐色我
歌君亦歌百年同一息生無怍於人死乃反初德悟道

亦惟君范、誰白黑

君館園中
二十年

疑義誰與析奇文誰與賞回憶廿年事聚散猶天壤今
復感贈言在耳有餘響聲吞淚沾裳結容勞夢想孤德
嘆無鄰何時絕塵網

哭子敬吳叔母

憶女詩答月瑞吟蕙心蘭口寫性真當春哭慟月瑞女
弟子立夏九日嗟歸神母鍾豐谿本華族十七宜家美
而淑紅箋不讓女相如廿載分飛歎黃鵠冰雪作胸肝
溽暑心亦寒簪花賦茗偶然耳三十二秋川后靜波瀾
弄璋弄瓦空懽喜為夫承祧繼守二子黃金不及授一經
詎知金盡貧如洗母六旬悟宅生傷夫哭子當年事淚
枯竟致旨兩晴何時得夢依諸母論詩猶是一尊酒詢
知月瑞歸月宮誦我十四斷句涕零否

方外老漁

方外一老漁優游味畊作身局鉤盾中放懷探五嶽跼
躋高厚寬湖海猶一勺拂我珊瑚竿翡翠銀鉤錯初釣
白龍驚連釣金鑠躍豈不貪玉璜烟波一裘著時惟米
桶人換酒月下酌不見鷗鷺飛誰知老漁樂

入郡言讓堂程師悼孫錫露同日奠張夢畹歸途

感作

籃輿乘病冷風吹兩處傷心值一時才墮歐陽思友淚
又歌安定痛孫詩麥黃歌隴村農怨谿綠平橋釣客悲
歸望山峰冒雲氣雨垂堤柳更縈思

雙梧一藤繞

雙梧一藤繞愛日招和風晴光漏萬罅蚪幹翻千重春
夏吐黃紫看花垂虛空密葉勝於花池亭半陰濃兀坐
山石下撫景理絲桐荷戲躍游鱗雲飛翔孤鴻枝交三
十秋結好情何窮藤梧兩不辨露潤榮西東甫植三尺
長爾弱我心雄今朝高百尺夭矯盤螭龍扶疎猶百年
予衰成老翁

盆蕉

庭無花竹可徘徊尺許芭蕉手自我窓際迎涼朝露滴
盆中作態晚風來多君葉卷添生意教我心清撥死灰
待到消殘三伏暑綠雲猶自障飛埃

夜月訪友人不遇

十里明如鏡陶然鏡裏行山空聽鬼嘯館寂少人迎獨
步影知己臨流月作聲恍疑馳白馬風怒恰三更

九月十五夜月

悲哉秋晏月孤高迴轉流光酒思豪此際名山更幽絕
誅茅深處讀莊騷

西溪社後五松

社壇忽傾圮拔地五松存不受秦皇貴能令處士尊思
秋孤月照寒夏怒濤翻喜爾為空木青，老故園
為藥

春去看花喜殿春淡紅應許曉粧新隔簾香汎茶初熟
舉國魂銷酒政醇愧煞半山為宰相獨憐端伯是高人
從今不續揚州夢種得年々養性真

春陰

深林爽籟噪寒鴉雲似無依借日遮枯草雨餘猶帶淚
空山雪積類衣麻年過強仕心顏垢日勘遺經志力加
古木斧斤嗟旦伐成春屋角賸梅花

感懷示年兒

萬事憑人力今知貴順天矜榮終蹶者勅行自怡然險
入路千里生勞夢十年回思歌舞地恐亦化風煙

靜室讀前史暇時彈素琴善身宜裕後學古始知今不
見憂歡色何來寵辱心黃山遙在目招我白雲深

從來畫本題曰漁村老拙近賦方外老漁詩因闡

前義

漁邨弱冠性不拙偶參畫理腸不熱南北風埃智令昏
臨履冰淵舌隨結漁邨五十年未老動起謗議真潦倒
未能晚節曜英奇齒危目眇嗟形槁百幘興寫無聲詩
即物肖形還天儀尺幅空託有情月因時寄意開愁眉
淡濃深淺隨墨色丹黃不著全神得拙可藏兮老可娛
漁村老拙題其圖

十二月十三夜六宜亭月

雲淨山都聳亭高風不寒梅花報春信

廿四日立春

冬月當

秋看犬逐行人影魚驚拂水竿此心託梅月獨立百憂寬

立春

先春已有如花風待得春來雨又濛
老去年殘梅半落送窮未若善身窮

明鏡篇

虛明若精鑑輔操何所私形旨如任
永舉世羣見疵吁嗟衆青蠅空疑月
有虧塵淨光煥發髮誠省之卓哉獨

孤公純忠王者知

磨瑩鏡益明鏡明照人膽望蟾遠魑魅
秦宮誅邪者春鬢又添霜徒向鏡中慘
典籍歲優游天心詎忘感紛

李氏子愁殺芙蓉閣

齒欲脫

齒欲脫根猶連不等髮膚受父母爾縱
齧跌奚為憐羸羸觸牙如齧鐵沸湯入
口增煩熱手搖縱復橫舌抵西又東問
政山中春筍肥世人大嚼我獨悲日藉何
物以療飢菜豆作羹飯成糜夜逢甘醴轉
悲為喜人生盲目勝盲心猶之沒齒之年
貴有恥

癸亥守歲

五十六春今夕盡白頭紅燭喜兼憎形骸於世日將短
兒女稱觴川獨增不信文章盈一尺可堪粒米直三升
鷄聲齊唱雨聲急博塞懽呼免曲肱

甲子元旦風

喜從東北歲占成天半陰霾山半青搖動萬竿愁自掃
椒觴獻罷聽談經

登墓

斧冰作糜登墓祀麥髮橫田凍欲死歲愁不稔農解顏
恰值春寒年甲子平生學書學賈學律不學農致味菽
粟亦可恥紅日無光白雲起邱塋撒涕號怙恃眼中松
檟列成行頓膝思扶吾老矣

人日

無端風雨日邊來極目斯民劇可哀作餅澄泥投米屑
天心猶未肯栽培

薄晚梅

早沾微雨晚輕風暗地傳香冷淡中新月鳥歸千樹白
夕陽人倚半樓紅又空莫怨壘為恥壁立誰誇博獨雄
舍却梅花無我伴乾坤清氣許君同

偕友觀梅

同步茗亭興已狂五分春意十分香落霞殘照花增豔
及待月明成澹粧

上元夜聞雷

月不逐人來銀花野樹開擎杯驚落電箕坐變轟雷臺
上一窻泄地中百物回箭浮燈未了風雨競相催

悼七女玉兒

歸途感惡氣痘湧如霞蒸一孔一攢毒百藥百無憑諸
醫愁瘡陷獨念望漿興十日竟焦槁哀哉救弗能上元
往沙溪觀牌樓燈路感風過十畝太守二山塚壘
係小兒患痘疹死者金鏡錄所謂惡氣外因是也
痰鳴苦不語臨逝一呼爺夜飲昔分酒客來先喚茶聞

聲猶度曲見面勝看花聰慧解人意何嫌貧老加

我歌月瑞吟汝亦涕霑襟復奪五齡女尤傷二老心雪

殘更欲盡燭晦痛方深留得疲癯者偏來眼底侵大二

出室五六七女相繼
殂獨四女殘疾在側

二月六日玉女歿三朝適瑞女歿一周年書此當

哭

冷雨魂歸環珮聲去年今日爾捐生望雲已斷嚴慈目
把袂方連姊妹情月不常圓空紀瑞玉雖經琢總無成
朝來兩值傷事淚落杯中到五更

掃墓途中作

節屆清明策短筇出門病不勝淒風依山麥葉高低綠
隔浦桃花近遠紅草自有心承露潤烏期反哺忽巢空
無端一陣墳頭雨偏令幽人泣困窮

四月十六日先妣程夫人八十生忌辰

嘉慶空瞻拜于今五十秋芳容嗟母少蒼髮使兒羞聖
善久無教私情空獻酬北堂來杜宇啼血幾時休

撲燈蛾

籬門空處補烟蘿得免終朝酬應多傾蓋即誇能蹈火
到頭不及撲燈蛾

襍詠

嬾步園林洗翠桐使人寧體少雄風古今空有凌雲志
可惜多才不固窮

怕讀毛詩已一秋為傳風雅女兒休迴思命共歌聲絕

兩句蓼莪千載愁

六女臨逝泣告父母曰
欲報之德昊天罔極

七女如花質似瑩五齡天促更傷情今朝繭虎誰分髻

不聽呼耶索酒聲

執鞭求富亦尋常富不可求宜醉鄉賸有鹽場堪給老

又遭兒敗歎空囊

昔西廣文官獨冷仕貧欲向此中尋酬詩賣賦沿門乞
也為

明廷正雅音

八月二十五日

松溪府君十生忌辰

久傷寸草不逢春三十三秋值八旬

沒年四十七

子姓分行

憐隻影

兄弟相繼歿

犧樽獨捧拜雙親漢唐作手真千古

松溪

集毛鄭功臣許一人

詩學女為

生共荷池年月日胡然天壽

在分辰

讓堂程師居郡荷花池

父有文章能壽世子終貧賤奈時何淒淒墓樹依山長

漠漠村煙送鳥過蔽日繁雲風不掃逼人晚景慕偏多

他年九十泉途下兄弟相承慈色和

鄭碧澗六十壽

古柏亭下蒼以綠共歲寒分松與竹年逢甲子君六旬

德潤身猶富潤屋自序

六十六

齡初入塾孝弟心生知

勉勗趨庭以性叩及門對曰天命之性語所獨嚴陵屬

邑負笈遊親見文正遺風斷蘆為畫粥杏枝東迴龔邨

青谿瞻覽四講齋復到會稽禹穴西子湖邊逞游目四

十縣帳西山麓五十傳經東海曲探得天壤山澤之幽

奇歸拓文情詩腹

皆六十自叙中語

平生篆刻猶蟬魚身兼六

藝克有初授子一經采芹藻喜承風訓經帶鋤介眉壽

酒百壺歌九如子和吾霜滿頭顱雪滿鬚才大難用何

妨愚且叙學庸師宋儒若耶山中官情無為賓為介望

鄉閭儻然漢降賢良詔公孫徵起名不虛始信先生強
如盛年在讀書

甲子守歲

歲除何事更流連愛惜三餘未忍捐半榻縹囊藏病骨
幾枝黃菊過殘年桂傷劣虎薪難荷竹愧非龍經不傳
守得蘭缸節序盡才人今昔化風烟夏病腫溼脚浮及
腰秋供餅菊歲終
留數枝
不萎

乙丑新歲

新歲扶筇出梅花發古香山歌雲欲墮風刺日收光催
老冬偏駛載華春又芳此身滄海粟世事任茫

立春後作

蘭時著意好吟詩無邨春光未展眉蘸雨谿梅萼初破
籠烟堤柳青未垂貓聲循霜瓦蝶夢飛、繞雪枝草
色何時入簾幙免教閨裏暖風遲

次韻鄭某咏鮑氏樂園素心盆蘭

冰根偷吐十三枝分種蛟橋節更奇雪洒楚琴君子佩
月臨燕夢美人知妖穠一任朝雲貌粉澤全消處士時
蘭有素心無賦手獨招騷客詠相宜

再詠素心蘭贈樂園主人

入室菲、襲素襟肯隨衆卉老山林青蠅不點婆須舌

白露常沾渤海心喜對善人私欲淨怕招俗客野蜂侵
魚鮓架葉君家獨始洵培根按月深樂園云五年愛護甫有此花

苦雨

苦雨又連朝溪奔過小橋貪書忘鳳麥沈竈贖顏瓢衣
典殘春送天寒濁酒澆醉眠魂夢亂雷鼓磕中宵

家借軒長遞屬為七言長句黏殯宮

孤松兀立何人撫洛棠無陰失儔侶借軒空有四時花
酒賦琴歌倩誰主曾歎桑樞月一至卓躒襟期向君吐
當筵長嘯無青眸不齒令人愛稽古賞心知我未為狂
吁嗟忘形到爾汝平生視交情更長論文卜夜宮商譜

忽聞友過豎須眉惚惚切切慙無補非其友者光同塵
何異道流與釋部推恩期功強服親粗飯敝袍咸得所
財饒好義家以貧百萬一呼羞阿堵貴賤彭殤亦借名
昔讀予文常起舞為作借軒記一朝頓盡舊風流相晞愁絕
芭蕉雨

羅燮堂先生八十壽過佛子嶺

披裘耐得五更風上嶺肩輿霜跡同幾曲松林雲欲斷
四圍蹊谷路疑窮鐘聲遠豁放光白日色初分柏影紅君
秉珥彤歸散髮眼中七葉一時雄予贈壽山石圖章云率祖率親曾元有慶

立功立德
齒爵俱尊

果谿桃紅西瓜瓢牡丹歌

冥冥日白風雨霾
喚渡直放溪東來
呂氏廢園小憩趾
明眸檻外紅千堆
踴身不顧足疲瘠
浴畦潑草蹲石臺
妖容橫波疑數本
千朵百朵天孫裁
細認婆婆姿週四面
古幹旁出原孤芳
根盤假山蘇姓木枝
卧爛片林家梅
春風夏露四十載
手圍兩拱超凡材
宇寬土厚蓄精氣
神鬼呵護人滋培
此花歟產稱第一縱植十百千
本奚為哉慈恩莊園
擅明豔卓絕今昔茲
正儕飛來瓊島饒
老眼天壽李嵩無
疑猜處士詩催白
酌酒長慶何如嘉
慶佳今朝得覩觀
音面相期歲來此
同披懷移栽莫

學權要子面牆背主強
不回恐無復玉環
悅已醉紅顛

主人貪賣花錢
欲移富人別墅

偶書食甘澹泊聯句足而成詩


老壯寧存白首心
故人詩曲日相親
食甘澹泊尋書味
事任浮沈養性真
秋落碧梧悲過鴈
風開綠藻數遊鱗
保神守道何憂病
籬枳寬閑寄此身

亾女得璋歲丁卯冬壻錫官迎奉程氏祠堂

七年松嶠草青黃
一旦招魂去故鄉
生未空家憐阿母
死猶牌合拜尊章
聘歸泉下羹湯作姑歿三月感謝祠中脯
構族例祠主支常古禮或無今或有薤詩空為鵲巢傷

年殘

秋夏旱空祈年殘雨霰飛孤巢留雪豔鼓竹助風威樓
畝麥苗秀環齋梅蕊肥貧無薪米債把卷待晴暉



卷之四